



Na osnovu člana 64. stav (1), tačka b) i člana 70. stav (1), (3) i (6) Zakona o javnim nabavkama („Službeni glasnik BiH“, broj: 39/14 i 59/22), te člana 70. Zakona o organizaciji organa uprave u Federaciji Bosne i Hercegovine („Službene novine Federacije BiH“, broj: 28/97 i 26/02), na preporuku Komisije za javnu nabavku u Zapisniku o pregledu i ocjeni ponuda, broj: 15-11-8-5207-8/24 od 06.05.2024. godine, direktor Kantonalne uprave civilne zaštite, donosi:

ODLUKU o izboru najpovoljnijeg ponuđača

Član 1.

Prihvata se preporuka Komisije i dodjeljuje se ugovor za javnu nabavku usluge održavanja softvera geoinformacionog sistema ponuđaču „GAUSS“ d.o.o. Tuzla, prema Ponudi, broj: 45-IV/2024 od 25.04.2024. godine za ponudenu cijenu u iznosu od 8.000,00 KM bez PDV-a, odnosno 9.360,00 KM sa PDV-om.

Član 2.

Ova Odluka stupa na snagu danom donošenja, dostavlja se svim ponuđačima koji su učestvovali u postupku javne nabavke i u skladu sa članom 70. stav (6) Zakona o javnim nabavkama objavit će se na web-stranici www.czusk.ba, i to istovremeno s upućivanjem iste ponuđačima koji su učestvovali u postupku javne nabavke.

Obrazloženje:

Postupak javne nabavke pokrenut je Odlukom o pokretanju postupka javne nabavke, broj: 15-11-8-5207-2/24 od 18.04.2024. godine. Javna nabavka je provedena putem konkurentskog zahtjeva za dostavu ponuda. Procijenjena vrijednost javne nabavke bez PDV-a iznosi 8.000,00 KM. Na Portalu javnih nabavki je objavljeno Obavještenje o nabavci, broj: 6518-7-2-5-3-2/24 od 18.04.2024. godine.

Po isteku roka za podnošenja ponuda, evidentirano je da je blagovremeno zaprimljena jedna ponuda, i to:

Broj protokola	Naziv/ime ponuđača (šifra)	Datum i sat prijema
15-11-5207-7/24	„GAUSS“ d.o.o. Tuzla	03.05.2024.godine (10:35)

Neblagovremeno pristiglih ponuda do javnog otvaranja u ovom postupku nije bilo.

Uvidom u priloženu dokumentaciju i suštinsku provjeru sadržaja i validnosti dokumentacije, Komisija je utvrdila da je zaprimljena jedna ponuda, te da je ista prihvatljiva.

S obzirom na to da je za predmetnu nabavku proveden konkurentski zahtjev za dostavu ponuda, kao i to da je dostavljena samo jedna prihvatljiva ponuda koja ispunjava sve uvjete iz tenderske dokumentacije, e – aukcija se ne provodi. Komisija je jednoglasno dala prijedlog

direktoru Kantonalne uprave civilne zaštite da donese odluku o dodjeli ugovora ponuđaču „GAUSS“ d.o.o. Tuzla.

Vrijednost ponude za ugovor bez PDV-a je 8.000,00 KM, iznos PDV-a je 1.360,00 KM, ukupna vrijednost ponude sa PDV-om je 9.360,00 KM.

Cijeneći navedeno, odlučeno je kao u dispozitivu.

POUKA O PRAVNOM LIJEKU:

Protiv ove Odluke može se izjaviti žalba Uredu za razmatranje žalbi BiH, putem ugovornog organa, u roku od pet dana od dana prijema iste i to u pisanoj formi i u dovoljnom broju primjeraka, a koji ne može biti manji od tri.

Broj: 15-11-8-5207-5/24

Datum: 07.05.2024. godine.



DIREKTOR

Dževad Livaković, prof.